



T 2080/4464 (1)


1



THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 28 1956







秦篆殘石題跋



岱頂秦篆宗汝陽劉斯立作譜至明吳同

春所記云僅存劉譜之半矣其後北平許名

半字於榛莽中得廿九字嵌置碧霞元君廟東廡

之壁至乾隆五年庚申燬于火此廿九字原拓

本存者罕矣今又七十餘年知泰安縣李嘗

蘇蔣君於廢池址別得此殘石二片尚存十字
仍以嵌諸廟壁蓋二千年以前之篆蹟自周
石鼓外惟此占琅邪臺是真刻之僅存者琅邪
石在海崖拓者艱致而此殘刻尚賸存十字往者
黃岳張雲谷澄岱訪碑借嶽廟道士錄本
以考證史文同異則以今日遙想宗堯公歐


陽文忠董廣川兩往復致慨者後先有同情也
諸君子所為詩若跋積成帙蔣君付梓以傳
之而予適為漢陽葉子東仰重摹刻譜勅諸
石故不辭而樂書其卷後


嘉慶二十二年春正月八十五叟北平翁綱

臣斯臣杏疾從專穴臣
味加舌

臣請具勅詔書金石勅國明白
矣臣味加請

原石四面環刻此廿九字在其
 南向二段之西一段此一段凡
 四行斯臣去疾四字在第一行
 後六字是其後三行之首二字






新得秦篆殘石存十字伯生倩予手摹付梓同觀

者善化秦映奎洪洞劉師陸山陰胡定生宛平閻

佶諸城劉喜海丁丑春二月漢陽葉志詵識



秦篆殘字跋

儀徵
阮元
芸臺

泰山秦李斯石刻厯存二十九字乾隆初年碧霞宮
火石失世間拓本最可寶貴故予以舊拓本合漢延
熹華山碑同摹刻於揚州北湖也嘉慶二十年前任
泰安縣常熟蔣君因培於岱頂玉女池水中搜得殘
石二由尙存斯臣去疾昧死臣請矣臣十字新拓清
朗如故洵爲快事後之攬者當有感焉

乙亥仲夏蔣伯生大令出觀秦刻殘字此石於灰燼之餘與殘磚敗甃畚而棄之於水沉淪者七十餘年一旦發其幽潛使寶物復見於世洵汲古之深情探碑之竒邁也余適守是邦先覩爲快伯生舊藏有二十九字搨本因召工重摹一通附於原石之後與揚州阮氏北湖本陽湖孫氏平津館本漢陽葉氏平安館本並傳於世以公同好云

夏邑汪汝弼 夢岩

秦相李斯篆書二世詔宋大觀間汝陽劉跂親至岱頂摸其全文雖殘缺剝落然首尾完具不可識者無幾前明都元敬猶及見其全文後嘉靖間北平許某於榛莽中移置碧霞元君宮東廡僅存二十九字卽亭林顧氏所見本也乾隆五年碧霞宮火此石遂失後人摹刻於岱廟邑人聶劍光又別摹一石於縣署土地祠原石拓本世不多得錢辛楣少詹載入金石

跋尾洪稚存編修詩所謂欲將一字比一星二十八宿應添伐者也嘉慶甲戌春余自濟陽移知泰安并岱廟本亦佚惟存土地祠聶氏本而已雖仿自明拓而神氣已非猶優孟之於孫叔矣徐石生司理偶爲余言岱頂有趙老人者年九十餘數十年前斃玉女池時曾見中有殘石依稀似有字跡余心動疑爲此石屬以公事填委不暇訪求次年春蔣君伯生自常熟來僑居岱麓雅志好古因舉徐語告之伯生欣然

率柴生蘭臯縑井搜得殘石二出去其翳蝕尙存十字神采奕然余不禁爲之起舞亟爲嵌於山頂東岳廟壁以垂永久惜辛楣稚存諸先輩不及一見耳

漢陽

葉志詵

東卿

岱頂秦篆明初尙存劉譜之半至許君剔諸榛莽中已贖二十九字今此石燬又七十餘年而常熟蔣侯濬廢池得其殘字二塊尙存十字重嵌廟壁二千年之古刻僅得留此片壁星虹之氣豈啻作江鄰幾董

廣川摩挲企想觀耶子曩得二十九字舊刻摹置大
別山上又得甲秀堂舊刻劉氏秦篆譜蘇齋師爲排
敘其行次方隅重勒于平安館中而此殘字恰得並
襄曷勝欣幸

長樂

梁章鉅

苴鄰

嘉慶丁丑正月二十日於蘇齋觀泰山篆新剔出十
字殘石拓本因誦前人集中詠及此者蘇齋先生曰
吳淵穎題嶧山碑擬秦刻於羿昇此不善立言者也

虞伯生題鍾書勸進碑云李斯文字更嗟我此最善
於立言者也然虞伯生却無專詠秦篆之作今則常
熟蔣侯字伯生與虞道園同字豈非翰墨緣乎予詩
用此以肖題意先生許爲知言并識於後是日同觀
者新城陳用光曲阜孔昭虔陽湖劉嗣綰漢陽葉志
詵侯官林則徐李彥章也

蘇齋觀岱頂秦篆剔十字殘石本

大興翁方綱 覃溪

秦篆岱頂廿九字庚申之夏火所焚後七十載殘字
十燼餘却來補舊聞元君廟剩廢池址瓦礫堆起光
輪困粗可讀者臣請矣斯臣去疾昧死臣依然之眾
繹碑上李斯小篆留先秦蔣明府拓到葉子持贈蘇
齋同鑒真葉子正摹秦篆石甲秀堂蹟完如新我爲
辨方題小隸劉斯立譜次第循工鑄力怯屢縮手歎

息古法難傳神葉子精思燈取影阮侍郎共舊本論

芸臺亦摹刻此篆於家塾天鑒苦心何以異物惟絕少彌見珍不

比會稽驚鼻頂申屠巨幅勞貞珉頗聞江寧繹山本

李刻近亦嗟灰塵寄語江城嗜古客儻獲搜佚母蘊

涇葉子亟摹此殘拓硯璞匹之岐鼓辛我附北平許

跋後卷石氣已雄天門

陽湖孫星衍淵如

空摹遺篆笑申徐申屠蟠徐鉉訪古輸君興不孤一炬碧

霞成瓦礫千年玉筋未模糊交稀剩憶韓陵石政美

能還合浦珠蔣大令宰泰安有惠政想見賞竒思勝友先臨日

觀望東吳

宛平陳預笠帆

火餘秦篆失耆古得其遺一十字形在二千年代垂

白刃周獵碣趺鑿漢殘碑歐趙蒼茫感斯懷欲證誰

昨躡岱宗頂天風吹我襟摩挲一片石鬱勃古人心

眼界此為濶胸懷暢至今披圖意無限渺渺白雲深

長樂

梁章鉅

荏鄰

泰山詹入曾頌詩先秦刻是小篆師嗟峨文字鑿鍾
隸伯生曾跋曹丕碑又一伯生今姓蔣汲古動我深
嗟咨廿九字石燬復得具名猶覲去疾思七十年後
隔煙雨夜虹耿起玉女池殘星鎮地作光怪漬溜裂
石無差虜卽今片楮遠飛到挂壁隱約森鱗而區區
訂合甲秀譜已冠石墨千圓驪申屠徐鄭並斂手何
况汝刻之采遺我生五嶽未涉一遠夢直躡鷲峯陞

安得三日坐卧此更眠右手精瓊椎墨緣漫託劉斯
立眼福欲附江鄰幾先向蔣侯乞拓本岱雲冉冉來
焚楮

侯官

李彥章

蘭卿

岱宗元氣青一卷二百字源先秦年幾時野火燒不
盡千里來結蘇齋緣學易老人作篆譜南東行列今
誰詮廣川跋雖便考證廬山帖漫搜殘編始青碧落
仰嶽色鸞漂鳳泊空流傳眼前十字見突兀真形展

脰開雲煙丞相御史粗可辨斯臣去疾名居前日臣
昧死臣請矣零星二片光同躔想見蘿莊居士手落
花溼漬喜欲顛池坳風雨鬼祖會幻怪湧起蛟龍淵
天如留待北平叟跋與許隸爭後先巾箱舊搨字廿
九滄然真氣交迴旋雷塘之盒平公館互勘古刻勤
摩研圓鑄小指何足較點畫且莫量斤權世間誰辨
嶧攸刻南閣祭酒同訓箋蒼頡博學先尉律金泥雲
闕神飛騫萬石洪鐘百鈞弩會稽厓石難差肩若準

岐陽籀鼓例故應龕壁勞金填蔣侯袖中太古綠蒼
籐糾結鱗蜿蜒寧數宋歐所著錄離形縮影徒萋萋
七十年餘拾灰劫二千載後新椎瓊從茲山靈慎吹
護玉虹芒角雲巫天模糊五段悅如接夜夜夢到天
門邊

長洲

宋翔鳳

子庭

兩過太山下曾未一登陟寂寥秦漢封蒼茫金石刻
今茲游海右暑雨車暫息客伴旣玲嶸古思先偏仄

忽開蔣詡徑不秘金薤色斯翁小篆存二世詔書泐
七字結構完其三已半蝕臣斯名漸微去疾尙可識
依稀昧死言當時上書式二千建亥年風雨霜露亟
乾隆庚申歲祝融恣赫輶炎帝號令行火龍脫絳纒
挾取神物歸元君似無力七十六載來道古各悽惻
聶君道里編茫茫問荆棘阮公金石記虛空想遺則
蔣侯暫去官霾憂滄海側俯窺玉女池光怪不得匿
青龍大淵獻貞石重拂拭妙手拓硬黃賞心濡翠墨

程隸變八分鄙別遷流極數行留篆體價已抵千億
竭來手持贈使我感胸臆遙遙琅琊臺殘文起顛踣
同爲碩果存尤當證白黑從臣失楊穆大夫辨臣德
誰爲始皇紀考訂盡史職登封本無字電雷警愆忒
當同石旁名胡亥從增飾吾妄陳此言欲取疑竇塞
行將結游侶到君草堂北始知同聲應相逢非默默
請見石丈人摩挲過中旻陋彼岱宗祠量較真僞得
寰宇訪碑者眼福知尙嗇空持五鳳字靈光矜魯國

宇文疑獵詩斤權辨多惑茲石有源流請君紀其實

吳江郭 麀 頻伽

陳倉獵碣議論紛三代而後推先秦金石刻畫祖龍

作臣斯去疾誰共論此十字者今始出蔣侯登岱搜

奇珍同時孫淵如阮芸臺皆者古見之寶重如皇墳

邇來傳刻工作偽每以贗鼎充貞珉紛紛耳食競夸

詫冰斯地下笑且瞋此石雖殘資考訂嶧山詛楚猶

比鄰乃知古人不可及筆力自足垂千春世間穹碑

深刻亦不乏空嗟榛莽同灰塵

昭文 孫原湘 子瀟

萬物不歷劫不古不足珍古物不歷劫雖古不覺新

不見泰山秦刻出斯手遠黎聽體中繆糾史云親巡遠方黎民

碑云親輒遠黎史云皇帝躬聖碑作躬聽史云男女禮順碑作體順宋猶完璧明碎瓊

二千年字存廿九重瞳一炬燔秦宮秦碑禍亦遭祝

融姬家火德為秦滅天亦報秦多火攻殘星熒熒一

十點七十八年潛水中此七十年中寧無好古士碑

沒才生碑出死畜眼白頭未覩此此石入水能不濡
蔣侯象罔能求珠惜十九字不可覓想已委付咸陽
墟岱宗茫茫跨齊魯剩此韓陵石堪語全文雖遼汝
陽劉題跋猶過北平許不見鄒嶧山頭刻石文拓跋
推倒野火焚之罙山頭兩石分鑿去化爲烟與雲此
十字者逃出水火劫石壽又應幾千葉輕摹一紙寄
人間壓倒紛紛漢晉帖

HYL(C)

T
2080
4464